

大婆羅門

（術語）婆羅門爲四姓之上首。

譯爲淨行種。捨世染而專修淨行之種族也。佛非婆羅門種。而爲大淨行者。亦稱爲大婆羅門。涅槃經十八曰：「如來名大沙門大婆羅門。」

大淨法門經

（經名）一卷。西晉竺法護譯。

與大莊嚴法門經同本。

大無量壽經

（經名）無量壽經二卷。在淨

土三部經中爲最大本故名。又略曰大經。

大堅固婆羅門

（本生）釋迦如來昔爲大

國黎努王之輔相名大堅固婆羅門。能治國。後修禪觀。感梵天王之來現。由彼之勸而出家。修佛道。

大堅固婆羅門緣起經

（經名）二卷。趙

宋施護譯。說大堅固婆羅門之事歷。

大悲弓

（雜名）悲智爲一雙之法門。故以之

配於左右手。大悲以靜德爲左手。大智以動德爲右手。隨而以大悲配於弓。以大智配於箭。

大悲咒

（經名）千手陀羅尼之別名。千手經

曰：「若能稱誦大悲咒。淫欲火滅邪心除。」

大悲者

（菩薩）指大悲菩薩而云。卽觀音菩

薩也。出請觀音經。

大悲經

（經名）五卷。高齊那連提耶舍譯。有

十三品。佛臨涅槃。以法付囑於梵天帝釋及迦葉阿難。記滅後弘法之人。示供養舍利之功德。及滅後結集之法。

大悲懺

（書名）出像大悲懺法之略名。千手

千眼大悲心呪行法之異名也。四明大師智禮著。依伽梵達磨譯之千手經而說。千手觀音之懺法。

大悲胎藏

（術語）胎藏又曰華藏。爲衆生

本具之菩提心。言肉團心所具菩提之理性。依大悲之萬行而生長發育。猶如母胎內之子。故曰大悲胎藏。又胎藏謂肉團心開敷之八葉中臺之大日。此中臺之大日。以慈悲出生無盡之諸尊。垂普門之化用。故曰大悲之胎藏。

大悲菩薩

（菩薩）觀音菩薩也。大悲之名。

雖通於諸佛諸菩薩。而此菩薩爲慈悲門之主。故特以名之。

大悲闡提

（術語）闡提爲梵語「一闡提」之略。成佛不可能之義。大悲闡提者言爲有大悲而自己之成佛畢竟不可能也。如觀音地藏之大悲菩薩是也。

大悲觀世音

（菩薩）略云大悲觀音。台家所立六觀音之一。又爲觀音之總名。

大悲曼荼羅

（術語）胎藏界曼荼羅之異名。自大悲胎藏出生之曼荼羅也。

大悲分陀利經

（經名）具名大乘大悲分陀利經。八卷。失譯人名。悲華經之異譯。蓋分陀利即蓮華也。

大悲心陀羅尼

（經名）千手陀羅尼之別名。

大悲心陀羅尼修行念誦略儀

（經名）一卷。唐不空譯。說千手陀羅尼之念誦法。

大悲胎藏三昧

（術語）胎藏大日生出大悲胎藏曼荼羅之三昧也。大疏九曰「如三昧義。所謂大悲胎藏三昧也。此三昧是一切佛子之

母」

大悲胎藏曼荼羅

（術語）大日經所說

謂胎藏界之曼荼羅。爲自大悲胎藏出生之曼荼羅。故曰大悲胎藏曼荼羅。大日經一曰「惟願世尊。次說修真言行。大悲胎藏生大曼荼羅王。爲滿足彼諸未來世無量衆生。爲救護安樂故。」大疏五曰「如上所說。菩提心爲因。大悲爲根。方便爲究竟者。即是心實相華臺。大悲胎藏開敷。以大悲方便現作三重普門眷屬。以是義故名爲大悲胎藏曼荼羅也。」此三句之分配有二樣。義釋抄記曰「今就大悲曼荼羅說之。以爲中胎爲菩提心。次八葉爲大悲。外三院爲方便也。」見現圖曼陀羅條。

大悲空智金剛大教王儀軌經

（經名）

五卷。趙宋施護譯。說荼吉尼之修法。

大黑天

（天名）梵語摩訶迦羅。譯爲大黑天。大黑神。或譯爲大時。顯密二教之所說各異。密教謂爲大日如來因降伏惡魔。示現忿怒樂義主之

形者。或有一面八臂。或有三面六臂。繫人之髑體。以爲瓔珞。可畏之相也。故古來以爲軍神而祀之。現今印度稱其女體爲迦梨（迦羅之女聲也）。以爲大自在天之后妃。而盛祀之。顯教之所傳者。以之爲施福神。謂祀之則能得福德。西竺諸寺。皆於食廚安置供養之。寄歸傳曰：「西方諸大寺處。或於食廚柱側。或在大庫門前。彫木表形。或二尺三尺爲神王狀。坐把全囊。却踞小床。一脚垂地。每將油拭。黑色爲形。號曰莫訶歌羅。即大黑神也。古代相承云。是大天之部。屬性愛三寶。護持五衆。使無損耗。求者稱情。但至食時。廚家每薦香火。所有飲食隨列於前。」

〔大黑天經軌及僞經僞軌〕（術語）大黑天之本說。出仁王經、大日經、三世最勝心明王經、理趣經、孔雀經、仁王經疏、大日經疏及寄歸傳等。此外復有佛說摩訶迦羅大黑天神大福德圓滿陀羅尼經、摩訶迦羅大黑天神所問經等。皆僞經也。諸錄不載。又嘉祥寺神愷之大黑天神法。世稱爲

大黑天儀軌。爲人所據。然非真本。亦僞作也。但書中引用之經疏語悉正。

大衆部

（流派）

有二。

①爲根本結集時之大

衆部。以窟內之結集。謂之上座部。故窟外之結集。謂之大衆部。是爲小乘二十部之根本二部。佛滅後百年。大天比丘出。始確立大衆部之本義。爾後自其部更出異部。本末合有五部。文殊師利問經下曰：「佛告文殊師利。初二者。一摩訶僧祇。此言大衆。老少同會。共集律部也。二毘毘履。此言老宿。淳老宿人同會。共出律部也。」我入涅槃後一百歲。此二部當起。宗輪論述記上曰：「界內既以迦葉爲上座部。界外無別標首。但總言大衆。皆由未生怨生王爲大檀越。種種供養。恐界內人多難可和合。所以兩處弘宣。時雖兩處結集。人無異諍。法無異說。界內耆年至多。界外年少極多。乃至大天乖諍。昔時界外少年之僧。門人苗裔。共爲一朋。名大衆部。取昔爲名。往昔界內耆舊之僧。共爲一徒。名上座部。」④四律五論中之摩訶僧

祇律（譯言大衆）是也。此乃指窟內之上座部，名爲大衆者，其故以窟內上座部之律藏，誦出八十度名爲八十誦，百年之間，五師相傳，至優婆塞多，多之門人有五師，各立一見於根本之八十誦律，建立一宗之律部。上座部之律藏於此分五部，以是根本之八十誦律，稱爲大衆部。是現存四律中之摩訶僧祇律也。大集經二十二曰：「我涅槃後，我諸弟子受持如來十二部經，讀誦書寫，廣博遍覽五部經律，是故名爲摩訶僧祇。」四分律行事鈔資持記曰：「如來滅後迦葉結集爲八十誦律，五師相繼一百年來，並無支派，後因淨計遂分五宗（中略）言大衆者，此云窟外部，高僧傳論云：上座大衆創分結集之場，彼言大衆乃是窟外。此云大衆定是窟內，即今摩訶僧祇，此翻大衆以五百人亦大衆故（智論則云千人）是則大衆名通二部。上座唯局窟內，學者須細辨之。」又行事鈔同卷曰：「僧祇律是根本部，餘是五部。」同資持記曰：「具云摩訶僧祇，此翻大衆，從衆爲

名，即窟內部。」

大衆生彌盧

（明王）謂不動尊也。見底哩

三昧耶不動念誦法

大智度論

（書名）百卷，龍樹菩薩造，秦羅什譯，釋大品般若經。

大智慧門

（術語）對於大慈悲門之稱。大智大悲佛所具之二德也。門有差別之義。

大智慧光三昧經

（經名）漸備一切智德經之異名。

大雄

（術語）佛之德號。佛有大力，能伏四魔。

故名大雄。法華經涌出品曰：「善哉善哉大雄世尊。」

大統

（職位）僧官名。統轄一國之比丘也。佛祖統紀五十一曰：「隋文帝勅僧猛爲隋國大統。」

大疏

（書名）華嚴宗謂清涼之八十華嚴經疏，真言宗謂一行之大日經疏。

大集經

（經名）具名大方等大集經。大方等

爲大乘經之通名。佛在欲色二界中間、廣集十方之佛菩薩、說大乘之法、謂之大集經。前後諸師各譯一部分、無全本。高麗藏本收諸師譯本爲一部、有六十卷。其中前二十六卷及三十一卷至三十三卷之日密分三卷、北涼曇無讖譯、爲諸譯中之大本。他藏本稱之爲大方等大集經而別行之。其第二十七卷至三十卷之無盡意菩薩品四卷、爲智嚴寶雲譯、別行本題曰無盡意菩薩經。其三十四卷至四十五之日藏分十二卷、隋那連耶舍譯、別行本十卷、稱爲大乘大方等日藏經。其四十六卷至五十六卷之月藏分十一卷、高齊那連提耶舍譯、別行本十卷、稱爲大方等大集月藏經。其五十七至五十八兩卷之須彌分二卷、同譯、別行本題曰大乘大集經。其五十九至六十兩卷之十方菩薩品、後漢安世高譯、別行本題曰佛說明度五十校計經。止觀輔行五曰「彼經廣集十方諸佛諸大菩薩於欲色二界大空亭中、故云大集」。但大集之經名有二種。一以名於欲色二界中間集大衆

而說之經。上所舉之諸經是也。一以名於隨處集大衆而說之經。大集經賢護分、大集經念佛三昧分等是也。

大集日藏經

（經名）大乘大方等日藏經

之異名

大集月藏經

（經名）具名大方等大集月

藏經。十卷。高齊那連提耶舍譯。收於六十卷大集經第四十六至第五十六。稱爲月藏分。

大集法門經

（經名）二卷。趙宋施護譯。與

長阿含經衆集經同本。

大集賢護經

（經名）大方等大集經賢護

分之異名。

大集須彌藏經

（經名）大乘大集經之別

名。六十卷。大集經之須彌藏分是也。

大集經賢護分

（經名）具名大方等大集

經賢護分。五卷。隋闍那崛多譯。佛在王舍城竹園放光集衆。以賢護菩薩爲對場而說法。與般舟三昧經同本後譯。

大集會正法經

(經名)五卷。趙宋施護譯。

大集會正法。以本經所說之法得名。佛在靈山。爲普勇菩薩說之。次折伏尼犍外道。

大集譬喻王經

(經名)二卷。隋闍那崛多譯。爲舍利弗以諸譬喻說菩薩與二乘智慧功德之差別。

大集經菩薩念佛三昧分

(經名)具名

大方等大集經菩薩念佛三昧分。十卷。隋達磨笈多譯。與菩薩念佛三昧經同本。說念佛三昧之法。

大集大虛空藏菩薩所問經

(經名)

十卷。唐不空譯。與大集經虛空藏菩薩品同本異譯。

大雲經

(經名)大方等無想經之異名。

大雲密藏經

(經名)大方等無想經之異名。

大雲無想經

(經名)大方等無想經之異名。

大雲請雨經

(經名)本名大雲經請雨品

第四十六、一卷。宇文周闍那耶舍譯。請雨經四譯之一。

大雲輪請雨經

(經名)有二本。一隋那連提黎耶舍譯。一卷。一唐不空譯。一卷。是請雨經四譯中之二。

大菩提

(術語)佛之菩提。對於聲聞緣覺之菩提。謂之大菩提。何則。二乘之無漏。爲菩提而非

大佛之無漏慧。乃爲菩提而大也。

大善知識

(術語)偉大之善知識。善知識者。如言善友。知識者。我能知彼之義也。

大寒林

(雜名)西國謂墓所爲屍陀。譯爲寒林。使人怖而寒之義也。

大寒林難拏陀羅尼經

(經名)一卷。趙

宋法賢譯。羅睺羅於寒林中。多爲鬼惱。佛爲說難拏陀羅尼。難拏者。歡喜之義。言此陀羅尼有安樂歡喜之功德也。

大惡象

(譬喻)譬惡心之狂亂。涅槃經三十

一曰。心輕躁動轉。難捉難調。馳騁奔逸。如大惡

惡象。」

大虛空大菩薩念誦法

（經名）一卷唐

不空譯

大勝金剛

（菩薩）又名大轉輪王。又名金

剛手。大日所變之十二臂金剛薩埵也。是爲大妙

經所說之攝一切佛頂輪王。卽金輪佛頂也。

大華嚴長者問佛那羅延力經

（經名

）一卷唐般若三藏譯。佛說那羅延力之量比較

佛力。因爲說施食者得此佛力也。

大聖妙吉祥

（菩薩）梵語曼殊室利。譯爲

妙吉祥。舊稱文殊菩薩。

大聖妙吉祥菩薩說除災教令法輪

（經名）一卷失譯

大聖妙吉祥菩薩秘密八字陀羅尼修

行曼荼羅次第儀軌法

（經名）一卷唐

菩提曠使譯。說八字文殊之修法。

大聖歡喜天雙身毘那耶迦法

（經名

）一卷唐不空譯。

大聖歡喜雙身毘那夜迦天形像品儀

軌（經名）一卷唐善無畏譯。

大聖歡喜雙身大自在天毘那夜迦天

形像品儀軌

（經名）一卷唐不空譯。

大聖曼殊室利童子五字瑜伽法

（經名）一卷唐不空譯。記五字文殊之修法。

大聖文殊師利菩薩

（菩薩）新稱曼殊

室利。譯曰妙吉祥。

大意經

（經名）一卷宋求那跋陀羅譯。大意

爲童子名。欲濟國之貧窮。入海求寶。聞海底有明

珠。欲杼海水而採之。天帝感其精誠。來助之。海神

恐出珠。大意得珠還施與國人。大意卽今之釋迦

佛是也。

大愚

（人名）洪州高安大愚禪師。嗣於歸宗。

歸宗嗣於馬祖。大愚山號。見傳燈錄十

大經

（經名）淨土三部中二卷之佛說無量

壽經。淨影道綽善導諸家謂之大經。天台謂之大

本。見玄義分傳通記三。又天台宗稱涅槃經爲大

經。

大愛道

（人名）佛之姨母，梵名摩訶波闍波提，乳養佛者。由阿難之請，始許出家。是比丘尼之初也。別號憍曇彌，如佛之爲瞿曇。法華文句二曰：「波闍波提，此翻大愛道，亦云憍曇彌。」此翻衆主。此翻誤也。衆主乃波闍波提也。

大愛道比丘尼經

（經名）二卷，失譯。叙大愛道三請出家，不許，遂依阿難之強請，始許之。爲說八敬法十戒具足戒及其他比丘尼種種之要法。

大愛道般泥洹經

（經名）一卷，西晉白法祖譯。以大愛道爲始五百比丘尼不忍見佛之涅槃，先佛而涅槃，佛命阿難厚葬之，建塔焉。

大愛道涅槃經

（經名）上經之異名。

大愛陀羅尼經

（忽名）一卷，趙宋法賢譯。

大愛爲海神之名，大愛蒙佛之神力，說陀羅尼，免所有大海之危難。

大圓覺

（術語）廣大圓滿之覺，言佛智也。圓

覺經曰：「一切衆生欲汎如來大圓覺海，先當發願勤修二障。」又「障盡願滿，便登解脫清淨法殿，證大圓覺妙莊嚴域。」

大圓鏡智

（術語）顯教四智之一。諸大乘教說如來之四智，凡夫之第八識至於如來爲大圓鏡智。大圓鏡者，喻也。其智體清淨，離有漏雜染之法，自衆生善惡之業報，顯現萬德之境界，如大圓鏡故名。大圓鏡智，心地觀經二曰：「轉異熟識，得此智慧，如大圓鏡，現諸色像，如是如來鏡智之中，能現衆生諸善惡業，以是因緣，名爲大圓鏡智。」（中略）常能執持無漏根身，一切功德爲所依止。又密教五智之一，密教於顯教之四智，加法界體性智而爲五智，配於五大五佛五方等。大圓鏡智，東方也。地大也。阿閼如來也。菩提心也。

大圓鏡智觀

（術語）如許多圓鏡相對，鏡影彼此相入，爲佛身與我入我我入之觀法，即大圓鏡智之相也。

大勢至

（菩薩）觀無量壽經曰：「以智慧光，

普照一切、令離三塗、得無上力、是故號此菩薩名大勢至。」亦略稱大勢。又作勢至。

大滅諦金剛智

（術語）大滅諦爲佛之斷德、金剛智爲佛之智德、是三德中之前二者也。仁王經上曰「十號三明大滅諦金剛智釋迦牟尼佛。」

大飲光

（人名）摩訶迦葉之譯名。迦葉或譯爲龜。或譯爲飲光。見迦葉條。

大瑜伽

（術語）金剛頂蓮華部心念誦儀軌之異名。常稱金剛界儀軌者是也。

大煩惱地法

（術語）與一切煩惱心相伴之心所也。有六。一痴。二放逸。三懈怠。四不信。五昏沈。六掉舉。見俱舍論四。

大慈生菩薩

（菩薩）胎藏界曼荼羅除蓋障院上第五位。主衆生自發生慈悲。又名大慈起慈發生慈愍慈。梵名昧但利也。毘庾拏藥多譯言慈發生。密號稱爲慈念金剛。

大慈尊

（菩薩）謂彌勒菩薩。彌勒譯言慈也。

大慈悲門

（術語）對於佛之大智慧門之稱。門者差別之義。

大慈大悲

（術語）佛菩薩廣大之慈悲也。與樂爲慈。拔苦爲悲。智度論二十七曰「大慈與一切衆生樂。大悲拔一切衆生苦。」

大慈恩寺

（寺名）唐太宗貞觀二十二年、皇太子治、爲文德皇后於長安創大慈恩寺。高宗永徽三年、玄奘三藏奏請建大塔。奉安西來之經論。梵本佛舍利塔高二百尺。見稽古略三。

大慈恩寺三藏法師傳

（書名）即玄奘傳十卷。唐慧立本等撰。

大僧大經

（經名）佛大僧大經之略名。

大僧威儀經

（經名）大比丘三千威儀經之異名。

大種

（術語）地水火風也。此四者周遍於一切色法。故名大能造色法。故名種。色香等一切物質不能離此四大而生。故稱爲大種。俱舍論一曰「大種謂四界。即地水火風。」

大精進菩薩

（菩薩）位於金剛界曼荼羅

外廓之南方。賢劫十六尊之一。亦名勇猛或大勇猛。梵名輸囉野。譯言勇猛。密號稱為不退金剛。肉色右持一股戟。左拳安於腰。

大樂不空

（菩薩）金剛薩埵之異名。理趣

釋開題曰：「大樂金剛者。金剛薩埵異名。妙樂之中。此尊三摩地特為殊勝。故曰大樂不空者。梵曰阿目佉。此云無間。自證之大樂。化他之大喜。無有間斷。故曰無間。無間與不空。其義一也。」

大樂金剛薩埵

（菩薩）具云大樂不空金

剛薩埵。大樂不空為金剛薩埵之總名。見大樂不空條。

大樂金剛薩埵修行成就儀軌

（經名）

一卷。不空譯。金剛薩埵修法之儀軌也。

大樂金剛不空真實三摩耶

（術語）

金剛薩埵所證之三摩耶也。

大樂金剛不空真實三摩耶經

（經名）

一卷。不空譯。大般若五百七十八卷第十會般

若理趣分之密部也。此經說金剛薩埵所證三摩地之法門。略名般若理趣經。又云理趣釋。

大樂金剛不空真實三昧耶經般若波

羅蜜多理趣釋

（書名）一卷。不空譯。說本

經字句。一一理趣表法之義門。常略稱曰理趣釋。

大慧

（人名）禪師名。宋杭州徑山之佛日禪

師。名宗杲。嗣法於佛果圓悟禪師。高宗紹興十七年。詔使住徑山。二十一年。以事竄梅州。二十八年。

詔使再住徑山。孝宗隆興元年八月十日。寂於徑

山月明堂。壽七十五。賜諡普覺。塔曰寶光。孝宗居

藩邸。師事之。及即位。賜號大慧禪師。有語錄三十

卷。敕入大藏。見五燈會元十九。圓悟著碧巖集。

大慧燒之。碧巖種電鈔一曰：「此書已成。學者走

知解者多矣。大慧為救此弊。一炬炳之。所謂雲門

一棒打殺之高懷也。」又唐之一行禪師諡大慧。

大慧書

（書名）二卷。集大慧禪師宗杲之書

牘也。

大慧武庫

（書名）具名大慧普覺禪師宗

門武庫。附於大慧語錄之後。

大慧語錄

（書名）具名大慧普覺禪師語錄三十卷。宋蘊開集。

大賢

（人名）青丘之大賢。唐代高麗國人。法相宗也。多作經疏。稱為古迹記。

大羯磨印

（印相）五股印之稱。瑜珈經曰：「決誦一字者。結大羯磨印。」

大羯磨輪

（術語）連續十字金剛而作大圓輪也。瑜祇經曰：「當觀卅一字成大羯磨輪。」

大輪明王

（菩薩）即大輪金剛。

大輪金剛

（菩薩）菩薩名。胎藏界金剛手院三十三尊之一。表斷惑之智德。故曰大輪手持三股之跋折羅。

三股之跋折羅。

〔佛說大輪金剛總持陀羅尼經〕

（經名）一

卷失譯。

大輪金剛修行悉地成就及供養法

（經名）一卷失譯。

大樓炭經

（經名）六卷。西晉法立等譯。樓

炭者梵語。譯曰成敗。此經說世界之成壞。異譯曰起世經是也。

大蓮華法藏界

（界名）西方極樂之稱。出生義曰：「西方大蓮華法藏世界。無量壽如來四親近菩薩也。」

大蓮華智慧二摩地智

（術語）稱西方阿彌陀之妙觀察智。

大樹

（譬喻）三草二木中之大樹。天台以別教之菩薩為大樹。法相以地上之菩薩為大樹。三論以八地以後之菩薩為大樹。

大樹緊那羅王所問經

（經名）四卷。秦

羅什譯。佛住耆闍崛山。大樹緊那羅王與其眷屬共詣佛。彈琴使大眾及山川皆悉起舞。天冠菩薩問大樹何不成佛。大樹語以菩薩十二無滿足之法。大樹請問寶住三昧。佛答以修習生起八十種之寶。於世出世之寶得自在。天冠問佛大樹云。何以伎樂教化衆生。佛具答之。因應大樹之請。佛將大眾至香山。受彼供養。演說妙法。更還靈山。為阿

闍世王等說三十二種菩薩之法器。
大論 (書名) 大智度論之略名。

大隨求菩薩法 (修法) 以隨求菩薩為本尊而念誦隨求陀羅尼之法也。是大隨求經所說。

大隨求陀羅尼 (經名) 大隨求陀羅尼經所說之大神咒也。

大隨求陀羅尼經 (經名) 普遍光明燄鬘清淨熾盛如意寶印心無能勝大明王大隨求陀羅尼經之略名。

大興善寺 (寺名) 在長安、隋開皇年中建之後不空三藏居之唐十大寺之一。

大總相法門 (術語) 謂真如之實體也。真如廣大該收一切故云大一味平等離差別之相故云總相為行者之軌範故云法觀智通達故云門起信論曰「心真如者即是一法界大總相法門體」。

大藏經 (術語) 一切經從所入之藏殿而謂為大藏經。見一切經條。

大藏目錄 (書名) 三卷、高麗本一切經之目錄也。

大藏一覽 (書名) 十卷、明居士陳實編。

大薩遮尼毘子 (人名) 尼毘為苦行外道之通名譯曰離繫。薩遮是其名譯言有或諦大有離繫外道之子也。此人歸佛悟大道為鬱閼延城嚴熾王說世出世之法遂與王共詣佛所受記別焉。

大薩遮尼毘子受記經 (經名) 十卷。元

魏菩提留支譯。大薩遮尼毘子為嚴熾王說法遂受記於佛其所說世出世之法曲盡其妙文義亦通暢世最流通。菩薩行方便境界神通變化經三卷為此本之異譯。缺王論品。此經又云大薩遮尼毘子所說經。

大願業力 (術語) 大願力與大業力也。阿

彌陀佛思惟五劫而建立之四十八願為大願。積累兆載永劫之六度萬行為大業。觀經玄義分曰「一切善惡凡夫得生者莫不皆乘阿彌陀佛大

願業力爲增上緣也。」

大願清淨報土

（界名）彌陀之極樂淨土

也。意謂彌陀報大願所成就之無垢清淨淨土也。

大顛

（人名）潮州府志曰：「寶通號大顛。俗

姓陳氏。或曰楊姓。先世爲潁川人。生於開元末。大

歷中與藥山惟儼並師事惠照於西山。卽復與之

同遊南嶽。參石頭。正元六年。開闢牛巖。立精舍。蛇

虎皆遠遁。七年。又於邑西幽嶺下。創建禪院。名曰

靈山。出入猛虎隨之。時已大悟。宗旨得曹溪之緒。

門人傳法者千餘人。自號爲大顛和尚。元和十四

年。刺史韓愈貶潮州。遠地無可與語。聞大顛名。召

至。留十餘日。謂其能外形骸。以理自勝。爲難得。因

與往來。及祭海神。至潮陽。遂造其廬。未幾移袁州。

復留衣服爲別。長慶四年。一日告大辭衆而逝。年

九十三。所著有般若波羅蜜多心經及金剛經釋

義。又嘗自寫金剛經千五百卷。法華維摩經各三

十部。藏之山中。墓塔在靈寺左。唐末有賊發其塔。

骨脾盡化。惟舌根猶存如生。復瘞之。號瘞舌塚。宋

至道中。鄉人又發視之。惟見舌鏡而已。乃壘石藏之。如故。又號爲舌鏡塔。」

大寶積經

（經名）有四十九會七十七品。

前後諸師譯一會或譯數會而別行之。唐菩提流

志新譯三十六會三十九卷。取舊來諸師所譯二

十三會八十一卷合之以四十九會一百二十卷

爲全本。

大寶積經論

（書名）四卷。失著者名。後魏

菩提流支譯。寶積經第一百十一卷。釋普明菩薩

會第四十三之一卷。

大寶廣博樓閣善住秘密陀羅尼經

（經名）三卷。唐不空譯。寶樓閣經三譯之一。

大覺

（術語）佛之覺悟也。凡夫無覺悟。聲聞

菩薩有覺悟而不大。佛獨覺悟實相徹底盡源。故

稱大覺。又聲聞雖自覺而不使他覺。菩薩雖自覺

亦使他覺。而覺事未滿。佛自覺覺他皆圓滿。故獨

稱之爲大覺。

大覺母

（術語）文殊之異名也。

大覺金仙

（術語）宋徽宗詔改之佛號也。宋史徽宗紀曰：「宣和元年春正月乙卯詔佛改號大覺金仙。餘爲仙人大士僧爲德士女冠爲女道尼爲女德。」

大鐵圍山

（界名）圍繞一世界之鐵山。云鐵圍山有大小之分。圍繞大千世界者云大鐵圍山。法華經曰：「鐵圍山大鐵圍。」

大灌頂

（修法）頂上灌五瓶誓水之聖式也。或爲結緣、或爲傳密法而行之。是洗除罪惡注入功德之意也。見灌頂條。

大灌頂經

（經名）灌頂經之異名。

大灌頂神呪經

（經名）灌頂經之異名。

大灌頂光眞言

（經名）不空羼索毘盧遮

那佛大灌頂光眞言經之略名。

大辯才天

（天名）又曰大辯天。大辯功德。天辯才天。大辯才功德。天辯天。作辨財者非也。又名美音天。妙音天。妙天音樂等。或爲男天。或爲女天。但以爲女天者多。最勝王經有大辯才天女品。

〔辯才天三部〕

（經名）①佛說最勝護國宇賀耶頓得如意寶珠陀羅尼經一卷。②佛說卽身貧轉福德圓滿宇賀神將菩薩白蛇示現三日成就經一卷。③佛說宇賀神王福德圓滿陀羅尼經一卷。已上稱曰辯才天三部經。然皆爲偽經。經錄不載。

〔辯才天五部〕

（經名）以上三部再加佛說大字賀神功德辯才天經一卷。佛說大辯才天女秘密陀羅尼經一卷。謂之五本經。亦皆杜撰者。

大攝受

（術語）佛之德號。謂佛以大慈悲攝受一切衆生也。讚阿彌陀偈曰：「稽首清淨大攝受。」

大權

（術語）言佛菩薩之大聖權。化現異形也。法華玄義六曰：「摩耶是千佛之母。淨飯是千佛之父。羅睺羅千佛之子。諸聲聞等悉內秘外現。示衆有三毒實自淨佛土。諸親族等皆是大權法。身上地豈有凡夫能懷那羅延菩薩耶。」

大權善經

（經名）慧上菩薩問大權善經

之略名。

大權修利菩薩

（菩薩）護伽藍神之一。右

手加額爲遠望勢之像是也。原爲大唐阿育王山之鎮守修利或作修理者。非是。育王山臨東海。渡海者每望山祈船中安全。以其手加額者。遙望其船而保護之之意。其證爲月江印禪師之育王錄曰：「僧問大權菩薩因甚以手加額。師云：行船全在樞梢人。」

大權神王經偈頌

（經名）密迹力大權

神王經偈頌之略名。

大鑑

（人名）六祖曹溪慧能。憲宗元和十年賜諡云大鑑禪師。

丈六

（術語）佛說十二遊經曰：「調達身丈五四寸。佛身長丈六尺。難陀身長丈五四寸。阿難身長丈五寸三分。其貴姓舍夷一丈四尺。其餘國皆長一丈三尺。」

丈六金身

（術語）傳燈錄曰：「西方有佛。其形丈六而黃金色。」北史曰：「時蜀沙門法成

率僧數千人鑄丈六金身。」

丈夫國

（地名）在北印度。天親菩薩卽生此

國。見婆薮槃豆傳。

丈雪禪師

（人名）明末貴州人。破山禪師

弟子。有丈雪禪師語錄二冊。丈雪禪師紀年錄一冊。丈雪禪燈錄四冊。丈雪耆耆篇一冊。丈雪青松集一冊。

上人

（術語）上德之人也。佛家謂內有德智

外有勝行。在人之上。故名上人。晉時稱釋子多曰道人。至鮑明遠始有秋。日示休上人詩。十誦律曰：「人有四種。一麤人。二濁人。三中間人。四上人。」

上上禪

（術語）三種禪之一。見禪條。

上下八諦

（名數）色界無色界之四諦與

欲界之四諦也。

上方

（術語）上方者。原爲稱山寺之佛。寺今

呼住持之人爲上方。因其所居在寺之最高深處也。

上生經瑞應科文

（書名）一卷。宋守千

集。

上生經瑞應鈔

（書名）二卷、唐憬興撰。

上求下化

（術語）向上而求菩提、向下而

化衆生也。上求菩提是自利、下化衆生是利他。是爲菩提心。菩薩之萬行不出此二者。止觀一上曰、

「上求菩提、下化衆生、發菩提心。」

上足

（術語）高弟也。佛本行集經九曰、「彼

衆中有一上足弟子名雲。」

上肩順轉

（儀式）順左肩而轉也。所謂右

邊是右邊之右、約於佛左肩之左、約於行者秦漢以前以左爲上、故左肩云上肩、見象器箋十。

上品蓮臺

（術語）往生極樂之三輩中、上

輩生者之化生爲七寶池中七寶之大蓮華。

上二界

（界名）色界無色界也。

上界天

（界名）五類諸天之一色界無色界

之諸天也。見秘藏記末。

上茅城

（地名）摩竭陀國之古都。西域記九

曰、「矩奢揭羅補羅城、唐言上茅城。上茅宮城、摩

竭陀國之正中。古先國王之所都。多出勝上吉祥香茅。以故謂之上茅城也。」

上流般涅槃

（術語）五種不還之一。見不

還果條。

上乘

（術語）又云上衍。大乘之異名。世親攝

論一曰、「如是三藏下乘上乘有差別故。則成二藏。」

上乘瑜伽

（術語）瑜伽譯言相應、與所觀

實相相應之義也。雖總通於顯密之觀法、而別以名真言兩部之大法、兩部之中、特以名胎藏界者爲多。嚴郢之不空三藏碑曰、「瑜伽上乘真語密契。」又曰、「瑜伽最上乘。」

上乘禪

（術語）傳燈錄曰、「禪有深淺階級。

悟我空偏真之理而修者、是小乘禪。悟吾法空所

顯真理而修者、是大乘禪。若頓悟自心本來清淨。

元無煩惱、無漏智、本自具足、此心卽佛。依次而修。

者是上乘禪。」按佛教本分大小二乘、以大乘爲

上乘、小乘爲下乘。自禪宗興起、自謂超乎二乘之

上。

上。別立上乘禪之名焉。

上座

（術語）行事鈔下三之二曰：「毘尼母云。從無夏至九夏是下座。十夏至十九夏名中座。二十夏至四十九夏名上座。五十夏已去一切沙門國王所尊敬。是耆舊長老。」

上座十法

（名數）十誦律云。具十法者名上座。一有住處。言住處者。婆娑論云。道及果空。三摩地。能引彼力殊勝。能使身心安住不動。故名上座之住處。二無畏。三無煩惱。四多聞。五辯言具足。六義趣明了。七聞者信受。八善能安庠入他家。九能為白衣說法。令他捨惡從善。十自具四諦法樂。無有所乏。」

上座部

（流派）小乘十八部之一。

上根

（術語）言根性之敏銳者。

上堂

（儀式）上堂有二種。①上法堂。為演法而上法堂也。此有日望上堂。五參上堂。九參上堂。謝秉拂上堂。謝都寺上堂。出隊上堂。出鄉上堂等。②上僧堂。為喫粥飯而上僧堂也。見象器箋二。

上堂牌

（物名）報上堂時日之揭示也。敕修清規上堂曰：「凡朔望侍者分附客頭行者必掛上堂牌以報衆。」

上煩惱

（術語）稱十大惑之根本煩惱強盛者。云上煩惱。或名現起之煩惱。云上煩惱。

上首

（術語）一座大衆中之主位。稱為上首。或舉其中一人為上首。或舉多人為上首。依經不同也。如無量壽經一萬二千比丘衆中舉三十一比丘為上首。如觀無量壽經三萬二千菩薩衆中舉文殊師利一人為上首。如大日經十佛刹微塵數執金剛衆中舉十九執金剛為上首。而更於執金剛衆中舉金剛手秘密主（即金剛薩埵）一人為上首。大菩薩衆中普賢菩薩一人為上首。今謂首座為上首。

上臘

（術語）臘字正書為臘字。原出於僧臘。戒臘。出家受戒。竟一夏（夏期三月之安居）為一臘。竟二夏為二臘。因而數僧之年。謂生年曰世壽。謂出家受具後之年曰法臘。又僧中之席次。依